

## ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ ԵՐԵՎԱՆ ՔԱՂԱՔԻ ԱՎԱԳԱՆԻ

«---» ----- 2026թ.

N-----Ա

### ՈՐՈՇՈՒՄ ԳՈՒՅՔԻ ՆՎԻՐԱՏՎՈՒԹՅԱՆ ՄԱՍԻՆ

Ղեկավարվելով Հայաստանի Հանրապետության քաղաքացիական օրենսգրքի 594-րդ հոդվածով և Երևան քաղաքի ավագանու 2025 թվականի դեկտեմբերի 23-ի N 463-Ն որոշման հավելվածի 3-րդ կետով, ինչպես նաև հաշվի առնելով Երևանի հենաշարժական համակարգի խախտումներ ունեցող երեխաների N. 17 հատուկ դպրոցի տնօրենի ժամանակավոր պաշտոնակատարի դիմումը.

#### **Երևան քաղաքի ավագանին որոշում է.**

1. Երևանի քաղաքապետարանի կողմից՝ 27360000 (քսանյոթ միլիոն երեք հարյուր վաթսույն հազար) ՀՀ դրամ արժեքով ձեռք բերված թվով մեկ հատ 2026 թվականի արտադրության FOTON e TOANO մակնիշի էլեկտրական մեքենան սեփականության իրավունքով անհատույց օտարել (նվիրել) «Երևանի հենաշարժական համակարգի խախտումներ ունեցող երեխաների հ. 17 հատուկ դպրոց» ՊՈԱԿ-ին:

2. Երևանի քաղաքապետին՝ ապահովել «Երևանի հենաշարժական համակարգի խախտումներ ունեցող երեխաների հ. 17 հատուկ դպրոց» ՊՈԱԿ-ի հետ նվիրատվության պայմանագրի և հանձնման-ընդունման ակտի կնքումը:

#### **ԵՐԵՎԱՆԻ ՔԱՂԱՔԱՊԵՏ՝ ՏԻԳՐԱՆ ԱՎԻՆՅԱՆ**

**ՏԵՂԵԿԱՆՔ-ՀԻՄՆԱՎՈՐՈՒՄ**  
**«ԳՈՒՅՔԻ ՆՎԻՐԱՏՎՈՒԹՅԱՆ ՄԱՍԻՆ»**  
**ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ**  
**ՆԱԽԱԳԾԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՎԵՐԱԲԵՐՅԱԼ**

Երևանի հենաշարժական համակարգի խախտումներ ունեցող երեխաների N. 17 հատուկ դպրոցը կրթական ծառայություններ է տրամադրում կրթության առանձնահատուկ պայմանների և մանկավարժահոգեբանական ծառայությունների երրորդ, չորրորդ աստիճանի աջակցության կարիք ունեցող երեխաներին՝ նպաստելով երեխաների կրթական և զարգացման նպատակների իրագործմանը, նախապայման է ստեղծում երեխաների հաղորդակցման, ինքնուրույնության հմտությունների ձևավորման և ամրապնդման համար:

Այս պահին դպրոցն ունի համապատասխան տրանսպորտային միջոցի կարիք, որը հնարավորություն կտա ապահովել շարժունակության դժվարություններ ունեցող սովորողների կանոնավոր և անվտանգ տեղափոխումը՝ նվազեցնելով նրանց դպրոց հաճախելու հետ կապված խոչընդոտները:

Ելնելով վերոգրյալից՝ առաջարկվում է ընդունել «Գույքի նվիրատվության մասին» Երևան քաղաքի ավագանու որոշման նախագիծը:

**ԵՐԵՎԱՆԻ ՔԱՂԱՔԱՊԵՏ՝      ՏԻԳՐԱՆ ԱՎԻՆՅԱՆ**